

Ragehandin di civakê demokrasî de divê azad be



Hemdî R. Eredenî

Ragehandin bi tevayî, peywendiyek mukum bi hebûn û bichînana demokrasîyê ve heye û giringiya wê zêdetir lê dihê bi borîna civakî di niv geşesendina demokrasî û hevrikiya partayetî de.

Demokrasî bi têgeheştina kîlasîkî, bi cih hînanana berferetirîn pişkdariya cemawerî ye, bo duristkirina bîrewerên, civakî û aborî, ku aramî û tenahiya welatiyan bihê parastin, lê eger welatî kêmezanîn be, nikare beşdariyek durist di projeyên demokrasî de bike, zanîn mercek giring e û sitûna beşdariya durist e.

Helwîstê hukûmetan derbarê vê çendê giring e; ji yekê bo yê din cuda ye, lewra jî di deravê sîstemê dektatorî de, ragehandin yek e ji sitûnên giring yên wî sîstemê ku bişê xwe li ser rabigire, lê di diravê civakê demokrasî de ragehandin yek e ji diyardeyên karîgerên civakê medenî. Ragehandina demokrasî, rexneya bi armacên avaker li ser diyardeyên nerewa yên civakî digire, rolekê kargêr dike bo

belavkirina zanyarên civakî, aborî û siyasî. Xeslet jî divên rasteqîne bin û find û fêlan li xelkê neke û rûdanan jî berûvajî neke. Hîngê, hevwelatî dişê hestê xwe bi duristî beramber doz û rûdan û kesan, bi aşkerayî, dest nîşan bike.

Bê guman; ragehandin di civakê demokrasî de, divê azad be, êxsîra deshelatê nebe, çunkî derbirîna bîr û baweriyên bi azadî, binyatekê serekî ye bo temamkirina mirovayîya mirovî û civakê demokrasî. Divê nebe dûvlang. Belku helwîstên cuda cuda dihêne têperbûn ji qûnaxa dektatoriyê berev qûnaxa demokrasîyê ne karekê asane, herwek bi serê civaka me hatî, lewra ragehandina demokrasî pêdivê zêrevaniyê ye, nek tenê li berpirs û serkirdeyan bike, belku pitir pêdivî ye zêrevanî û rexneyê li hevwelatiyan demê ku çewt dibin, çunku hîngê dê civakek çewt peyda bibe. Pêşketina internêtî di warên veguhaztî de, îro hewldan dihê kirin, ku dengûbas li dûv hezkirîna bînerî li ser ekrana TV-yê dihê pêşçavkirin, bîner daxwazê ji bêjerî bike ku wan dengûbasên ew pêdivê, bo wî pêşkêş bike. Ev jî eger e ku prosa demokrasî bazdanekê di ragehandinê de berev pêş bihavêje. Bi vê rengî, ragehandin pitir demokrasîyê bi cih dihê.